

CLASSIS PRIMA.

DE

TINCTURIS.

TINCTURÆ SIMPLICES.

TINCTURA RHABARBARI.

R̄. Rhabarbari mediocriter triti — unciam unam,

Spiritus Vini rectificati ——— uncias sex.

Digere in phiala vitrea obturata arenæ calore per aliquot dies, donec imbuatur Spiritus Vini colore Rhabarbari, quantum potest imbui: sic habebitur Tinctura, quæ filtrata in usum servetur.

Ad obstructiones mesenterii, & aliorum viscerum.

Simili ratione parentur aliæ Tincturæ ex Vegetabilibus: E. G.

Tinctura Contrayervæ,

Tinctura Chinæ-Chinæ,

O o z

Tin-

Tinctura summitatum Absinthii,
 Tinctura summitatum Hyperici,
 Tinctura Rosarum rubrarum. &c.
 quæ omnes vires habent simplicium ex quibus fiunt
 facultatibus respondentes.

*Tincturarum enunciatarum dosis a guttis decem ad
 guttas triginta & ultra.*

Si cum Vino generoso extrahendæ fuerint Tin-
 cturæ, eodem ordine procedendum, ut in ea ex-
 tractione quæ fit per Spiritum Vini.

TINCTURA SIVE ESSENTIA CROCI.

℞. Croci Orientalis ——— unciam unam,
 Spiritus Vini ——— uncias sex.
 Extrahatur Tinctura secundum artem.

*Vires habet alexipharmacas, cardiacas, & antbyste-
 ricas.*

Dosis a guttis quatuor ad guttas decem.

TINCTURA SIVE ESSENTIA CASTOREI.

℞. Castorei Moscovitici ——— unciam unam,
 Spiritus Vini ——— uncias sex.
 Eadem methodo paretur ac Tinctura Croci.

Ad

Ad capitis, nervorum, & uteri affectus plurimum commendatur.

Dosis a guttis quatuor ad guttas quindecim.

Non dissimili ratione ex Aloe & Euphorbio Tincturas elicies, quarum usus duntaxat externus.

TINCTURA LACCÆ

BOERHAAVE.

*℞. Laccæ e furculis detractæ, & pulverisatæ
— unciam semis,*

Olei Tartari per deliquium — unciam unam.

Tere simul in mortariolo vitreo accuratissime, ut fiat mollis pulcicula; quæ leni calore siccata in aere humidiori sponte liquecat: siccetur iterum, & iterum humectetur. Ultimo exsiccata affunde in matraccio vitreo

Spiritus Vini rectificati — quantum sufficit ad supereminentiam trium digitorum, bulliant leniter per horas duas, & Tinctura filtrata ad usum fervetur.

Ad curanda vitia gingivarum, oris, ac dentium in scorbuto externa ablutione prodest. Interne etiam exhibetur cum successu in eodem morbo.

Dosis a scrupulo semis ad drachmam semis.

TIN-

TINCTURA LACCÆ ALUMINOSA

MYSIGHT.

℞. Lapidis Medicamentosi Crollii — unciā unā .

Dissolve in

Aquæ Rosarum,

Salviæ, — ana libra una & semis .

Solutioni filtratæ affunde

Laccæ optimæ pulverisatæ — unciā semis,

Aluminis usti — drachmas duas .

Digere in arena dum Tinctura fiat rubicundissima, quæ decantata ad usum fervetur.

Externe tantum adhibetur in scorbuticis gingivarum ulceribus.

TINCTURA LACCÆ CUM SPIRITU

COCHLEARIÆ.

℞. Laccæ electæ — unciā unā,

Spiritus Cochleariæ — uncias sex.

Extrahatur Tinctura ex lege artis.

Cum superioribus convenit.

TIN-

TIN-

TINCTURA MYRRHÆ

℞. Myrrhæ pulverisatæ ——— unciam semis,

Olei Tartari per deliquium — unciam unam.

Eodem apparatu quem supra descripsimus in Tinctura Laccæ Boerhaaviana, cum Spiritus Vini rectificati sufficienti quantitate extrahatur Tinctura.

Fluorem album sistit, morbis a mucosa inertia productis efficaciter succurrit, externa ulcera oris ac palati detergit, & consolidat.

Dosis a scrupulo semis ad drachmam semis.

TINCTURA SUCCINI

BOERHAAVE.

℞. Succini pulverisati ——— unciam semis,

Olei Tartari ——— unciam unam,

Spiritus Vini ——— quantum sufficit

Procedant omnia eodem ordine, ut in Tinctura Laccæ a Boerhaavio descripta; sed humectationes & exsiccationes pluries repetendæ.

Hypochondriacis, hysteris, leucoplegmaticis & a causa frigida convulsis prodest.

Dosis a guttis decem ad guttas triginta.

TIN-

TINCTURA SALIS TARTARI

HELMONTII.

℞. Salis Tartari alkalini ——— uncias tres.

Liquefcat igne violentissimo per horas sex in crucibulo: fervidum adhuc tere in mortario calido, & in pulverem redige: immitte in phialam vitream siccam & calidam; quo facto statim affunde

Spiritus Vini perfecte dephlegmati & calentis
— quantum sufficit

ad supereminentiam quatuor digitorum. Obturam phialam concute, ut Sal omnis perfecte mergatur. Digere in arena per horas viginti quatuor, semper cavendo ne humiditas aeris ulla ratione ingredi possit. Habebis Tincturam rubicundam, quam filtratam usui servabis.

Laudatur in morbis a contumacissima tartarea materia oriundis.

Dosis a guttis sex ad guttas quadraginta.

TINCTURA CORALLIORUM

QUERCETANI.

℞. Coralliorum rubrorum crasse pulverisatorum
— uncias duas,

Aceti distillati ——— quantum sufficit

ut in phiala vitrea ad quatuor digitos Corallii super-

pernatet. Digere per triduum in balneo - maris: Acetum dulcificabitur, sic habebis Tincturam, vel potius dissolutionem, quam filtratam usui servabis.

Ad cobibendos alvi fluxus, & hæmorrhagias.

Dosis a drachma una ad drachmas duas.

Coralliorum Solutio verius est quam Tinctura. An ex ipsis Tinctura proprie dicta extrahi possit, incertum. Sunt qui Coralliorum frustula liquefactæ & calenti Cerae pluries immergant, dum colore spoliuntur, Tincturam deinde ex ipsa Cera eliciant ope Spiritus Vini. Verum hæc, & aliæ quæ vulgo pro Tincturis Coralliorum venditantur, aliunde potius videntur & colorem & saporem mutuata quam a Coralliis.

TINCTURA MARGARITARUM

QUERCETANI.

R. Margaritarum crasse pulverisatarum

— uncias duas,

Aceti distillati ——— quantum sufficit.

Eadem ratione paretur ac Tinctura Coralliorum.

Pro conficiendo Julapio Perlato.

Pp

TIN-



TINCTURÆ COMPOSITÆ.

TINCTURA GEMMARUM

QUERCETANI.

℞. Fragmentorum quinque pretiosorum,
 Coralliorum rubrorum,
 Margaritarum, — ana drachmas decem.
 In porphyrite subtiliter lævigatis affunde
 Aceti distillati — libram unam & semis.

Digere per aliquot dies in vase vitreo clauso, &
 Acetum modice dulcificatum habebis pro Tinctura.

*Ex Majorum instituto adhibetur ad Julapium Gemma-
 tum conficiendum.*

TINCTURA SACRA LEMERY.

℞. Specierum Hieræ picræ — unciam unam,
 Coccinellæ — scrupulum unum,
 Vini albi generosi — libram unam & semis.

Digere per triduum in phiala clausa, ut habeatur
 Tinctura, quæ filtrata ad usum servetur.

*Obstructiones reserat, hamorrhoidum ac mensium flu-
 xum promouet, aluum quoque leniter solvit.*

Dosis a drachmis duabus ad unciam semis.

ELI-

ELIXIR PROPRIETATIS
PARACELSI.

℞. Aloes Soccotrinæ,
Myrrhæ,
Crocī, ————— ana unciam unam.

Pulverifatis, & cum sufficiente quantitate Olei Tartari per deliquium in puliculam redactis, post horas viginti quatuor affunde

Spiritus Vini rectificati — uncias viginti.

Digere per dies quatuordecim in loco tepido; postea decantatum liquorem sive Elixir usui serva.

Cor & ventriculum roborat, coctionem promouet menses ciet, hystericas affectiones reprimit.

Dosis a guttis decem ad guttas triginta.

ELIXIR PROPRIETATIS PARACELSI

CUM ACIDO.

Eodem apparatu fiat ut superius descriptum; sed loco Olei Tartari irrorentur species modica portione Olei Sulphuris per campanam.

In stomachi viriis, præsertim a putrefactione alimentorum.

Dosis a guttis quatuor, ad guttas duodecim.

Quando simpliciter præscribitur Elixir Proprietatis, intelligendum dulce, idest sine acido.

Pp 2

ELI-

ELIXIR PROPRIETATIS

RHABARBARINUM.

℞. Aloes Soccotrinæ,
 Myrrhæ, ————— ana uncias duas,
 Croci ————— unciam semis,
 Rhabarbari ————— uncias tres,
 Salis Tartari alkalini ————— unciam semis.
 Pulverisatis affunde
 Vini Malvatici ————— libras duas.

Digere per dies quindecim in loco tepido, &
 filtratam Tincturam sive Elixir usui serva.

*Stomachi vitiis medetur, biliosos & acres humores
 blande subducit.*

Dosis a drachmis duabus ad unciam semis.

LAUDANUM LIQUIDUM

SYDENHAM.

℞. Opii ————— uncias duas,
 Croci ————— unciam unam,
 Cinnamomi,
 Caryophyllorum, — ana drachmam unam.
 Contritis, vel si opus fuerit pulverisatis affunde
 Vini Malvatici ————— libram unam.
 Digere in phiala vitrea calore balnei-maris per
 tri-

triduum, & filtratum liquorem in vase optime clauso reconde.

Anodynum est præstantissimum, cujus frequens usus in somno conciliando, doloribus mulcendis, spasmodicis affectibus mitigandis, ac diarrhœis sistendis.

Dosis a guttis quinque ad guttas viginti.

TINCTURÆ BALSAMICÆ.

BALSAMUM INNOCENTIANUM.

℞. Benzoini ————— uncias tres,

Styracis ————— uncias duas,

Balsami Tolutani ————— unciam unam,

Thuris,

Myrrhæ,

Aloes Soccotrinæ,

Radicum Angelicæ, ————— ana unciam semis.

Trituratis affunde

Tincturæ summitatum Hyperici cum Spiritu Vini paratæ, & quantum fieri potest saturatissimæ — libras duas.

Digere per dies viginti, & liquorem decantatum usui ferva.

Pro eximio habetur vulnerario, mundificante, & consolidante.

BAL-

BALSAMUM ADSTRINGENS

FULVII GHERLI.

℞. Benzoini ————— unciam semis,

Sanguinis Draconis in lacryma — drachmas duas,

Olei Terebinthinæ ————— unciam unam.

Contusis contundendis, affunde


Spiritus Vini ————— libram unam.

Digere in vase vitreo clauso supra cineres calidos,
ad integram lacrymarum solutionem; deinde adde
Phlegmatis Vitrioli Romani ————— uncias sex.

Rursus digere in vase clauso per horas viginti
quatuor balnei calore: refrigerato liquori adde
Spiritus Vini ————— uncias duas.

Iterum digere per octo vel decem horas in bal-
neo - maris, & liquorem sive Balsamum ita para-
tum in usum serva.

Ad vulnere glutinationem.



SOLUTIONES PER DELIQUIUM.

LIQUOR MYRRHATUS

VULGO

OLEUM MYRRHÆ PER DELIQUIUM.

℞. Ova ad duritiem elixata — quot volueris ,
Myrrhæ — quantum sufficit.

Secentur Ova per medium , vitellis exemptis ,
repleatur cavum cujusque medietatis Myrrha subtiliter pulverisata: medietates deinde invicem congruentes aptentur, ac filo circumligatæ crati ligneæ superponantur in cella humida. Liquor exstillabit Myrrhatus subjecta patina excipiendus.

Ad faciei maculas, & herpes tollendos adhibetur.

LIQUOR TARTARI FIXI

VULGO

OLEUM TARTARI PER DELIQUIUM.

℞. Tartari albi — quantum placet .

Calcinetur igne reverberii , ut abeat in massam friabilem, quæ humido in aere sponte deliquescet, & magna ex parte in lixivium resolvetur, liquorem videlicet sive Oleum Tartari.

Usus ejus frequens in variis operibus chymicis.

LI-

LIQUOR SACCHARINUS


VULGO

OLEUM SACCHARI.

℞. Sacchari candi purissimi — quantum placet,
Spiritus Vini rectificati ——— duplum.

Saccharum pulverisatum imbuatur Spiritu Vini,
postea incendatur massa. Flamma restincta liquo-
rem habebis densiusculum instar Syrupi: erit vulgo
dictum Oleum Sacchari.

*Ad pectus catarrho oppletum leniendum ac levandum
commendatur.*



*Solutiones ac Tinctura Metallorum cum eo-
rum reliquis preparationibus ad pro-
priam Classem referuntur.*

CLAS-